

續修廬州府志卷四十九

花翎道銜江南安徽廬州府知府清泉黃 雲總修

武功傳四

國朝

高金鰲合肥人咸豐三年廬城失守被陷城內五年商同百姓往城外大營稟報安徽巡撫福約期內應城復保藍翎府知事銜隨同廬州營攻克六安州加五品頂戴九年秋勞傷發病故采訪冊

萬春生字熙臺合肥人文生咸豐三年賊擾皖境春生齊集練丁肅清官道又發米二百石賑濟鄉鄰四年奉刑部郎中李文安檄辦團練六年隨同帶練克復無為

續修廬州府志 卷四十九 武功傳四

州防堵巢湖一帶嗣因積勞於八年病故長子年璧襲恩騎尉後隨劉秉璋營至上海積勞亦卒采訪冊

夏振筥號玉卿合肥人太學生生平好義急公以廉正稱咸豐三年賊起巡撫諭辦團練數年不倦六年江西知州黃蓉臺委派監造巢湖戰船以資防禦兩載船成寇無北犯未幾勞卒采訪冊

王兆基字朝輔合肥人聖府判官銜豪俠好義咸豐三年賊竄安慶廬州大震各鄉紳耆奉示團練督帶練勇除暴安良一鄉賴以靜謐其後賊往來巢湖官軍設卡河口兆基同地方紳耆竭力防堵賊不敢入內河咸豐八年病卒采訪冊

王世鼎合肥人從九品慷慨負大志有才能咸豐八年賊大至出貲募敢死士戮賊無算十一年秋擒逆薄境鼎誓眾曰進畀退誅是夜舉火率銳卒斬獲數十百級餘賊皆遁鼎積勞成疾尋卒

采訪冊

文錦濤合肥人咸豐三年投効京口水師由外委管帶礮船克復甯國婺源等城九年由皖入江防勦攻毀沿江賊營十年捐貲添置法海礮船在江北泰興一帶港門堵勦歷保守備儘先補用並戴花翎受傷成疾十一年在水師營病故

采訪冊

程朝綱字筱侯合肥人軍功保舉五品銜花翎從九品從戎十餘載甘苦不辭以修新城購辦要需中途冒病

續修廬州府志

卷四十九

武功傳四

二

卒

采訪冊

朱謹餘字善夫合肥人初隨甘涼道李鶴章在江蘇勦賊戰守俱有權變嘗因守城見信用後有攻取必與謀焉大小四十餘戰未有小挫擒逆旣平積勞病故子家

鐸世襲雲騎尉

采訪冊

孔憲德合肥人由武舉歸督標効力以千總用歷署督中營蕪采營瓜州營千總復署靖江營遊兵營守備於咸豐四年隨總兵音德布管帶毅勇克復舒城得藍翎六年統帶果營克復三河保守備十年隨提督張統帶義勇克復浙省首先登城保都司換花翎以勦賊迭受重傷十一年在祁門縣傷發請假歸在籍病故

采訪冊

羅寶文合肥人從銘軍以功歷保守備藍翎同治三年  
攻克常州府城身先渡河感受寒溼加之積勞過甚卧  
病十日遽殞經統領劉銘傳請照軍營病故例給卹同  
時有張郁文守備在淮軍從克雙峰鎮旋攻太倉州受  
礮子傷未幾病故亦得卹采訪冊  
梁玉成號渭璜合肥人廩貢生淹通經史粵寇擾廬時  
佐刑部郎中李文安辦團練捐貲助餉保教諭歸部銓  
選復隨直隸州黃創造水師戰船櫛風沐雨積勞病故  
大吏奏請照軍營病故例

賜卹蔭一子入監讀書采訪冊

黃金華合肥人世業耕讀兄弟五人金華居幼粵匪竄

續修廬州府志 卷四十九 武功傳四

江南遂棄儒習弓馬從戎咸豐十一年投効江蘇軍營  
迭次勦賊出力獎給六品頂戴同治元年賊撲虹橋率  
隊死戰大股擊退八月賊圍北新涇營隨隊援勦力解  
重圍左脇下受矛傷復裹創赴敵攻克柘林各城保藍  
翎外委攻克嘉定並解四江口之圍以千總加守備銜  
三月進攻太倉身先士卒右腿中槍子傷三年攻克蘇  
州及江陰並浙省各城尤爲出力保以都司加游擊銜  
進復常州以叅將儘先補用並換花翎軍務肅清留兩  
江候補九年隨西征入陝到直在天津海防差遣十二  
年修築津北河隄工十三年率兵開挖金鐘河光緒二  
年築海口營壘因舊傷舉發歿於海防營次采訪冊

周行發合肥人咸豐初辦團練旋從周盛波盛傳征勦髮逆積功保至副將加總兵銜揚勇巴圖魯同治七年在直隸甯津交界毛家莊勦擊捻匪身受重傷是年移軍徐州傷發身故奉

旨照例優卹准於原籍建專祠

采訪冊

程廣和合肥人同治初投効盛軍積功洊保總兵加提督銜七年五月間在山東吳橋攻捻匪身受重傷八年移軍湖北在營傷發而亡奉

旨照例優卹准於原籍建專祠

采訪冊

阮炳華合肥人同治三年投効銘軍分援浙皖閩等省以功敘外委嗣在湖北山東隨隊勦匪出力歷保都司

續修廬州府志

卷四十九

武功傳四

四

十三年在吳淞口海防積勞病故已請卹又有軍功巡檢銜劉瑞輯投効武毅軍九年隨營至陝西長武縣攻勦回匪受傷病故

采訪冊

黃桂池合肥人同治三年投効銘軍分援浙皖閩等省由勇目敘外委先後攻克黃陂曹縣黃安等處並勦平西捻擢都司十三年在吳淞口海防積勞病故已請卹

采訪冊

徐發明合肥人咸豐九年募補銳勇二旗打仗奮勇賞六品軍功同治二年投効樹軍克復蘇州省城保把總藍翎光緒元年在吳淞口海防積勞病故已得卹

采訪冊

周廷彪號輔臣合肥人逾冠從戎隨銘武等軍轉戰江

皖豫東閩浙陝西各省歷保花翎副將同治九年從征  
台灣番社染瘴積勞成疾光緒元年十月在營病故奉

旨著從優議卹廕一子六品

采訪冊

趙萬盛合肥人同治元年投入銘軍先後收復常昭並  
克宜荆溧陽嘉常黃陂曹縣黃安等處游保花翎游擊  
升用叅將光緒三年在吳淞口海防積勞病故已請卹

采訪冊

劉昌熾合肥人咸豐十年應募湘軍充勇獎六品軍功  
同治七年隨勦山東湖北等處擊賊迭勝陝防出力歷  
保千總加守備銜光緒四年在吳淞口海防積勞病故

已得卹

采訪冊

續修廬州府志

卷四十九

武功傳四

五

蘇開陽合肥人隨族弟記名提督得勝辦理營務同治  
五年在曹縣黃安等處擊賊並海防出力歷保千總加  
守備銜光緒六年在吳淞口防營積勞病故已卹

采訪冊

韓照揚合肥人少善弓馬中武舉咸豐間粵賊踞皖北  
廬郡興鄉團照揚率練勇捍禦強寇敘功保藍翎千總  
同治初隨蘇撫李鴻章赴滬勦賊歷著戰功游保游擊  
換花翎復隨征東西捻股均有勞勩歷保總兵提督同  
治己巳鴻章赴兩湖督任照揚隨赴鄂辦理營務嗣委  
署鄖陽鎮總兵在任勤督操防民咸安堵卸篆後以病  
請假回籍未幾卒

采訪冊

沈家丞合肥人同治九年投効銘軍在陝防勦有年保

巡檢光緒六年三月在直隸青縣海防營次積勞病故  
經署總督張樹聲奏奉

旨著照立功後病故例交部議卹

冊 采訪

張進合肥人癸卯武舉以衛千總用投効淮軍隨勦蘇  
浙轉戰直東等省髮捻各逆迭著戰功並押運前敵軍  
糧源源接濟軍食賴以無缺歷保總兵銜兩江補用副  
將光緒四年八月在清江轉運局積勞病故經大學士

李鴻章奏給卹典附祀蘇州無錫昭忠祠

冊 采訪

丁功懋字凱卿合肥人太學生記名提督福昌之子性  
仁孝篤志於學兩應北闈鄉試薦而未售遂援例敘河  
南縣丞隨武毅軍渡臺光緒元年勦平番社開山出力

續修廬州府志

卷四十九

武功傳四

六

保知縣留原省補用以積勞病發回籍就醫二年八月

卒

冊 采訪

劉壹綱字錦臣合肥人性誠懃膂力絕倫同治二年投  
効春字營水師打仗奮勇賞給六品頂戴旋充華字營  
哨官克復湖州長興廣德等城保千總藍翎六年投効  
銘軍在山東湖北擊賊叠勝江蘇贛榆戰斃逆首彙保  
守備九年充樂字馬隊左營哨官光緒八年在營積勞

病故

冊 采訪

王孝才字福基合肥人少貧事親孝咸豐間隨勦吳淞  
皖閩直東各處積功累保花翎副將銜叅將中原肅清  
凱撤回籍同治十三年三月卒於家

冊 采訪

張祖珠合肥人咸豐三年在籍辦團練禦賊繼從征粵  
逆轉戰舒城英山太湖著有勞績歷保花翎都司同治  
元年楚軍攻廬辦理轉運屢蒙獎賞以壽終

采訪册

鮑國治合肥人由文童入江蘇撫標營歷著戰功海保  
花翎運同銜江蘇直隸州六年在營積勞病故卹贈太  
常寺卿銜廕一子入監以州判候銓子石麐

采訪册

宋作霖字志懋合肥人太學生少孤兄弟二人性孝友  
遵母訓讀書博通經史取與不苟平時喜周急咸豐三  
年粵逆擾皖奉安撫福濟諭辦團練捐米六百石以助  
練費創設練章平定土匪桑梓以安嗣奉刑部郎中李  
文安諭辦廬郡團練設局於邑堂寺邀地方紳耆齊集

續修廬州府志

卷四十九

武功傳四

七

練丁防堵巢湖一帶寇不敢北犯六年又隨李元華招  
集練勇克復無爲州潛山太湖等縣城因積勞患嗽症  
同治十二年病故

采訪册

宋道煌字輝廷合肥人幼讀書同治初年在銘軍幕中  
襄籌軍務江南肅清歷保不就回籍應試入郡庠從提  
督唐定奎赴臺灣辦後路軍米轉運不絕以功保巡檢  
嗣銘軍回守江陰仍辦軍米寒暑不輟積勞成疾光緒  
四年七月卒於江陰防所請祀忠義祠

采訪册

東家禮合肥人同治元年投効淮軍先後克復蘇浙各  
城以功歷保都司藍翎在營積勞五年病故奉

旨賜卹

采訪册

周盛祐合肥人提督銜記名總兵咸豐五年創辦團練  
隨同盛軍統領盛波盛傳赴蘇大營奉委統帶淮軍勇  
丁迭次打仗受傷於光緒初年在營積勞身故采訪冊  
陸邦杰合肥人樹軍支應委員隨勦江浙皖豫直東等  
省髮捻積功至花翎鹽提舉銜升用同知在籍病卒采訪冊

李正芳合肥人咸豐初投効巡撫翁同書營帶練軍嗣  
隨蘇撫李鴻章往吳勦賊克復柘林南匯等城擊退虹  
橋援逆克復嘉定解北涇四江口圍克復太倉州常昭  
崑山新陽吳江等縣督隊攻常州力戰三晝夜奮勇爭  
先受子傷兩處城下斬賊酋三人受刀傷一處江常錫

續修廬州府志

卷四十九

武功傳四

八

三縣被圍奉檄調援力戰而解又隨李鴻章勦平任賴  
各捻復同銘武等軍勦滅張總愚大股歷保花翎提督  
銜總兵同治十年署湖南常德右營游擊申衡叅將旋  
借補九谿營游擊以舊傷時發准免騎射履任後勤督  
操防積勞旋卒采訪冊

張福元號履菴合肥人同治元年從軍至滬迭次攻克  
城池血戰解圍保花翎叅將借補徐州鎮標蕭營都司  
嗣隨勦捻逆出力洊保記名總兵光緒五年閏五月內  
到任勤督操防積勞病卒身後無餘資采訪冊

董學周字從之合肥人少好學同治元年由文章投効  
樹軍幫辦營務隨隊攻克蘇常等城又從軍轉戰鄂豫



等省迭著戰功洵保花翎同知銜山東候補知縣同治九年九月內在營病故又有劉玉成以軍功保江蘇知縣在金陵病故均待卹冊采訪

戴熾昌號鶴樵合肥人刻苦力學同治元年由文童投効樹軍幫辦營務隨隊攻克福山楊舍蘇常等城又從軍轉戰鄂豫等省所向有功洵保藍翎候補知縣同治十二年正月內在徐州防營病故冊采訪

呂宗德號明軒合肥人同治元年由文童投効樹軍幫辦營務隨隊攻克福山楊舍蘇常等城轉戰鄂豫等省歷保同知銜山東候補知縣同治十三年七月內在徐州防營病故冊采訪

續修廬州府志 卷四十九 武功傳四 九

蔣開文號子郁合肥人同治元年由武童投効樹字後營隨隊攻克宜荆溧陽等城及皖鄂豫東各省轉戰出力歷保儘先副將嗣帶鳳字右營左哨同治九年五月內在徐州防營病故冊采訪

沈義輔號佐臣合肥人同治二年由武童投効樹字後營隨隊攻克蘇常各州縣城及皖鄂等省轉戰出力歷保花翎儘先叅將幫帶鳳字左營同治十三年九月內在徐屬邳境防所病故冊采訪

廖長有號益齋合肥人同治二年投効樹字營隨隊攻克蘇常各州縣城及皖豫等省轉戰出力歷保儘先叅將嗣帶鳳字左營後哨光緒四年三月內在徐防病故

冊 采訪

董賢坤號厚甫合肥人同治元年由武童投効樹字營  
隨隊攻克嘉常等城及豫東等省轉戰先後出力厯保  
花翎儘先都司管帶飛騎中營前哨光緒三年九月內  
在徐州防營病故采訪冊

施本傳號緒宗合肥人同治二年投効樹字營隨隊攻  
克城池及豫東等省先後出力保花翎儘先都司管帶  
鳳字左營右哨光緒五年十一月內在徐屬防所病故  
采訪冊

續修廬州府志

卷四十九

武功傳四

十

張啟升號超然合肥人同治元年投効樹字後營隨隊  
攻克皖鄂等省城池轉戰出力厯保花翎儘先都司同  
治七年二月內在徐防營次病故采訪冊

吳克興號禹卿合肥人同治元年由武童投効樹字後  
營隨隊攻克福山楊舍等城及皖鄂豫東等省轉戰出  
力厯保花翎儘先都司同治九年三月內在營病故采訪冊

呂榮周號渭臣合肥人同治二年由武童投効樹字後  
營隨隊攻克宜荆溧陽等城及協勦捻逆先後出力保  
花翎儘先都司嗣帶徐州鎮標新兵左營後哨光緒八  
年七月內在銅境防營病故采訪冊

何先華號鏡珊合肥人同治年間由武童投効樹字營  
隨隊攻克蘇常各州縣城及皖鄂等省轉戰出力保游

擊銜儘先都司嗣帶鳳左營後哨光緒七年六月內在  
睢境防營病故采訪冊

韓學芝合肥人咸豐六年投入廣勝營充當勇目隨營  
征勦出力保千總嗣因迭獲勝仗歷保兩江補用叅將

光緒五年己卯秋歿於金陵待卹采訪冊

吳聯陞合肥人同治元年由武童投効華軍洊保守備  
充華字正營礮隊右哨哨官同治五年保花翎以都司

儘先補用辦理華字正營營務七年三月在營病故請

卹照三等軍功議卹給伊子奎仁八品監生遇有外委

把總缺出揀選拔補采訪冊

朱文華合肥人投効華軍以六品軍功隨勦出力洊保

續修廬州府志 卷四十九 武功傳四 十一

以都司儘先補用並戴花翎在營積勞病故待卹采訪冊

朱文彬合肥人同治二年投効華軍由六品軍功得千

總捻平以都司儘先補用並戴花翎在營積勞病故請

卹給予伊子七品監生遇有把總缺出揀選拔補采訪冊

程守沛合肥人同治元年投効淮軍救援北新涇四江

口等處在事出力得六品功牌三吳肅清洊保叅將九

年七月充樹字新軍副營前哨哨官赴晉防勦加副將

銜隨營調赴邊防光緒三年五月在營病故采訪冊

程肇典字慎五合肥人由武童帶練同治元年投効慶

軍隨同勦賊克復浙皖閩三省郡縣彙保花翎兩江補

用叅將並加副將銜光緒二年補江西建昌營游擊調

署九江後營游擊兼帶選鋒營光緒九年回建昌任病卒

采訪冊

程肇賢字竹溪合肥人在籍帶練咸豐十年投効淮軍同治間疊次克復浙皖閩三省郡縣彙保花翎以副將補用奏免騎射並給二品封典嗣管帶慶字後營在營積勞病故

采訪冊

李洪文合肥人隨甘涼道李鶴章充當親兵正營哨官在軍奮勇克復太倉無錫受傷由藍翎把總保至兩江補用副將嗣勦平任賴各捻股轉戰五省懋著勛勞擢總兵加一品封典西捻肅清擬保提督未奏傷發在營病故奉

續修廬州府志

卷四十九

武功傳四

三

旨贈提督銜給騎都尉世職兼一雲騎尉子士偉承襲

采訪冊

文明科合肥人素稱勇敢奮志從戎咸豐四年在籍投營克復甯國婺源等城給六品軍功救援浙江解衢州府城圍保藍翎九年管帶長龍礮船自皖入浙攻撲沿江賊壘以外委補用並給五品頂戴十年防勦南岸賊營功尤著同治元年管帶法海砲船赴吳淞一帶防勦四月賊撲寶山縣城在小沙背地方擊退悍賊立解重圍派防吳淞泗港口感受暑濕九月在營病故奉

旨給卹銀四十兩其子八品監生以外委把總拔補

采訪冊

王孝理字敬夫合肥人同治元年充樹軍正營哨官隨勦江浙鄂豫直東等省積功保花翎總兵強兵巴圖魯

光緒二年充樹字新軍後營營官山西後山馬賊肅清  
加提督銜明年護運河洛一路賑糧積勞在營病故奉  
旨從優議卹照提督例給卹銀二百兩廕一子給六品頂戴

送部引見錄用

采訪冊

盧應旌花翎江蘇補用知府王用賓江蘇補用知州王  
如蘭花翎同知銜江蘇候補知縣李人鑑擬保五品銜  
知縣湖北候補縣丞王道生藍翎卽選主簿孫維眞藍  
翎六品銜江蘇補用巡檢劉經理五品藍翎江蘇候補  
巡檢均合肥人以軍營積勞先後在營次差次病故

采訪冊

姚德雲花翎留直補用副將謚勇巴圖魯劉有忠鄭國

續修廬州府志

卷四十九

武功傳四

三

忠均花翎副將張元勝二品封典花翎副將銜叅將祥

勇巴圖魯喬大榮花翎叅將俱合肥人病故已卹廕

采訪冊

董大鑑合肥人樹軍右營幫帶官調管江蘇親兵水師  
營積功至花翎總兵銜兩江補用副將以疾卒又有王  
龍標樹軍右營營官花翎兩江補用副將敷勇巴圖魯  
陳明典樹字新軍中營哨長花翎副將銜儘先叅將戴  
昌遇樹字新軍轉運委員花翎副將銜兩江補用游擊  
卞高槐樹字新軍左營哨長花翎補用游擊袁殿銀樹  
字新軍前營哨長花翎儘先守備陸從政樹字新軍前  
營哨長花翎儘先守備董履功樹字新軍副營哨長花

翎儘先守備張德興把總隨勦江浙鄂豫東直等省並  
山西河防案內保獎先後在山西防營病故又楊恩鴻  
樹字新軍轉運委員花翎兩江補用副將董大銓兩江  
補用副將王金泰花翎副將張思善樹字新軍糧局委  
員花翎副將銜兩江補用參將王維綱劉光聘均花翎  
游擊王炳奎藍翎都司王忠元花翎都司張思渠花翎  
補用都司張樹德樹字新軍轉運委員藍翎都司銜儘  
先守備張樹霖樹字新軍右營幫辦花翎游擊銜儘先  
守備王銀潤樹字新軍左營幫辦藍翎都司銜儘先守  
備王孝章樹字新軍左營哨長儘先守備李鵬翥花翎  
署温州守備董履道花翎守備均隨勦江浙鄂豫直東

等省髮捻並山西防勦案內卓著戰功疊膺保獎先後  
以疾假歸在籍病故皆合肥人待卹

采訪冊

滕學義合肥人銘軍統帶官記名提督同治十三年在  
宿遷防營病故同邑許先傳記名提督克勇巴圖魯借  
補江陰守備在天津營病故李華相記名總兵闕勇巴  
圖魯借補廣信守備在任病故又有張韶銀在武毅軍  
記名總兵湯誠意記名總兵從銘營當差陳效俊記名  
總兵劉玉良帶開花砲隊總兵銜兩江補用副將李福  
典在親兵中營兩江補用副將劉長春在親兵營兩江  
補用副將王孝性粵東督標差官花翎副將何增益在  
慶字營副將銜參將揚勇巴圖魯江雲鶴副將銜參將

孫鶴勝在慶字營花翎游擊鄭國昌在魁字營儘先游擊朱六玉在護軍營擬保游擊陳學義在魁字營儘先都司計順賓在樹字營花翎都司吳大寅在親兵營花翎都司李章釗在武毅軍儘先都司羅勝方在鼎字營儘先守備孔憲陞在先鋒營花翎守備詹新田在撫標親兵營都司銜守備徐明隆在銘字營儘先守備侯大鼇在盛左軍候補衛守備巫先琳在武毅軍擬保游擊銜都司花翎守備蔡洪斌花翎守備彭家珍在開字營儘先千總孫本階在銘字營儘先千總崔宏運在銘字營藍翎千總聶士純在樹字營藍翎漕標補用千總岳亮明在銘字營儘先把總李兆光在傳字營儘先把總

李金朝劉志恩均在銘字營儘先把總夏得海張其諒蒯業修均在傳字營儘先把總葛大有在鼎字營儘先把總賈學廣在樹字營儘先把總李得洪在鼎字營儘先外委葛世理儘先外委王維清撫標親兵營藍翎外委王林在傳字營儘先外委張士芹五品軍功在銘字營當差又虞紹恭郭峻樓官階未詳皆合肥人以積勞先後在營病故

采訪冊

夏開和合肥人從銘武軍勦賊歷保記名總兵績勇巴圖魯在營傷發病故又有賈榮選投効淮軍海保花翎游擊身經數十戰遞次受傷賈大全投効勛軍保藍翎守備臨陣守傷周兆祥官階未詳從銘軍轉戰南北十

數年身受重傷皆合肥人先後以傷發卒

采訪册

解先亮合肥西鄉人少務農爲人傭工以勇敢著名咸豐三年賊犯皖北廬郡州縣相繼淪陷肥西毗連舒六悍賊出入之路土匪蠶起往往矧賊據掠鄉里里民不堪其擾先亮乃倡首練團築圩以庇鄉人一時號召雲集響應不下千人屢與相持賊不得逞知縣英翰常倚其眾以辦賊九年賊酋陳玉城大股數十萬竄擾華子岡先亮率眾力戰敗之并敗援賊追至小河灣斬獲無算賊怖其勇自是不敢復犯其境以功保花翎游擊同治元年將軍多隆阿總兵張得勝合軍規復郡城先亮以千餘人在城內應城遂復擢叅將未幾晉總兵銜副

續修廬州府志

卷四十九

武功傳四

六

將淮北肅清先亮散眾家居日與農人課耕作兢兢自守十數年如一日地方官吏咸稱重之以病卒於家同時有褚開泰者幼業耕兼精貨殖咸豐間賊兩次陷廬城地方盜賊四起開泰奉大府檄整練堵勦滅巨匪李小五攷其黨數萬勦除爭盡繼築圩保衛鄉里庇流民除土匪壽台定三境民不蓄髮地方保全皆團練力也北捻徐立壯龔瞎子孫葵心大股南向焚擄鄉民開泰率練堵戰月餘捻退又髮逆大股北竄開泰屢次截擊攻破梁園及香積寺賊巢克復定遠縣城時南北官軍隔絕數百里開泰設法代通聲息護送公文迎護本省巡撫李孟羣忠骸捐貲帶練隨北軍進攻廬州城池克



復身經數百戰始終不懈先後保花翎叅將及從二品封典又嘗於同治元年捐瓦屋五十四間助修考棚二年捐錢千串修府學宮其見義勇爲與先亮同出一轍

云采訪

劉泰來號安之廬江人好讀書嫻騎射通習天文襲先世恩騎尉世職道光間歸兩江督標効力咸豐初擢署江蘇常州營中軍守備在任陋規一無所取而整飭操防緝捕盜賊兵民俱德之逾年調署荻港水師千總地當長江扼要盜賊乘小舟往往日爲漁人夜匿洲渚間行劫商賈官吏無從究詰泰來訪知擒數人置諸法復將漁船編號給以印牌不時查察從此盜賊斂跡行旅

續修廬州府志

卷四十九

武功傳四

七

無梗咸豐三年補安慶城守千總隨巡撫福濟轉戰皖北等處以積勞成疾乞假歸卒

縣志

楊起勝廬江人業農而粗識字咸豐十一年秋冬之交舒廬暨皖垣先後俱下諸赴功者紛紛投當道有聳其行者弗應獨隨同里提督吳長慶招募成軍曰此儒將可與共事從至江蘇由六品什長保藍翎千總歷隨戰守俱有功未數載三吳廓清起勝時已換花翎轉守備乃翩然賦歸循分安居旣而捻勢披猖起勝復出赴慶軍論功以游擊補川撥隸慶正營曹德慶麾下管帶前哨同治八年隨營巡防宿邳等處擒逆匪甚夥而積勞病作殞於防次年僅逾三十起勝短小精悍臨敵遇賊

城壘頻足掀手舞爬而登平居好動惡逸奔騰橫肆躍躍不可抑遏軍中爭呼爲楊蠻子云

采訪册

時起發廬江人同治元年應募赴江蘇充慶營勇丁以功得六品把總藍翎旋換花翎以守備補用加都司銜八年捻氛淨隨營巡防宿遷一帶時已拔充哨長傷勞病發殞於防次

采訪册

吳道坦廬江人藍翎五品銜候選從九同治二年在淮軍陸營積勞病故奏卹縣主簿銜廕一子入監

縣志

范萬有廬江人素業農同治元年隨慶軍轉戰江蘇以功給藍翎六品副收復郡縣各要隘勇敢絕倫每臨陣遇悍賊相持則與曹德慶等爭先奮進務併力痛勦而

續修廬州府志

卷四十九

武功傳四

六

後已旋隨拔浙江之平湖海鹽乍浦復隨援閩皖下湖州長興廣德漳浦晟舍四安諸城鎮西捻肅清萬有劾防勦均有功洊保副將換花翎同治八年萬有隸慶正營曹德慶部下管帶右哨隨營防宿遷邳州等處捕獲寇緝散勇並在地巨匪奉

旨以總兵簡放給俊勇巴圖魯九年隨營駐揚派修揚州西城外河道監視挑濬纜竣事而金瘡陡發醫療數月不起年未四十人爭惜之

采訪册

盧正榮柯文榮廬江人均於同治元年投入淮軍轉戰江浙皖閩鄂豫直東等省積功洊保花翎叅將加副將銜先後病卒

采訪册

洪炳南花翎補用副將幫辦樹字新軍右營營務張宏  
玉字璞齋花翎副將儘先叅將孫賢才花翎留直補用  
游擊時春發字茂生儘先千總充慶後營後哨哨官俱  
廬江人以征勦積勞先後卒采訪冊  
劉維開字際運號文軒廬江人素習武勇同治二年在  
淮軍親兵營隨同攻克太倉等處蘇撫李鴻章賞給六  
品軍功歷克楓涇西塘平望等鎮以千總拔補並戴藍  
翎四年以歷次克復宜荆等城及調援江陰力戰解圍  
截勦楊舍金壇竄賊功洊升都司並換花翎五年蘇軍  
疊克湖州各府州縣城保以游擊儘先補用

賞給三品封典吳越既平奉調北征勦捻往來東皖鄂豫各省  
續修廬州府志 卷四十九 武功傳四 七  
屢次勦捻出力任賴股匪平以功

賞加副將銜並給二品封典九年以叅將留於兩江補用十年  
歸標序補歷奉委赴合字副中前營教練洋鎗操務十  
二年署兩江總督張樹聲以差操勤慎曉暢戎機委練  
鎗隊紀律嚴明奏請借補江南陸路孟河營都司光緒  
元年正月

覃恩賞加一級八年夏以疾卒於任采訪冊

駱榮貴廬江人同治初年應募赴江蘇四年投提督吳  
長慶營充勇目以功給六品功牌拔補千總給藍翎旋  
加守備銜換花翎改歸兩江督標親慶營光緒元年管  
帶左哨榮貴勇於任事凡治水利築砲台均能耐勞五

年夏江南北蝗起率勇馳走滁來盱定間搜捕甚力以感暑染病不起年四十四江督沈葆楨奏請

賜卹

采訪冊

韋定策字公符舒城人素性孝友中道光己酉舉人咸豐三年春粵逆踞舒提督秦定三督師進勦定策傾家貲募勇協攻多克捷招集里閭少年築堡當英霍潛六之衝以防賊竄擾邑紳李元華之攻復潛太定策與焉皖撫福濟調赴梁圍叅戎務甚倚重之既而廬郡不守大股賊撲堡定策潰圍出仍辦團練隨邑令甘文瀾募勇勦賊克復霍山保以知縣用陳元泰之攝舒邑也無餉無兵僅恃團練定策籌練籌糧以義相激西南練兵

續修廬州府志

卷四十九

武功傳四

三

卒成勁旅乘多隆阿桐城之捷一鼓而克縣城晉同知自是城鄉安堵籌辦善後均就緒甲子從戎江蘇克復廣德湖州以同知直隸州補用未幾舊恙舉發請假歸里調治以戊辰七月卒於家繼娶王氏年二十七守節待旌撫遺腹子某亦以軍營立功後積勞病故得

旨賜卹又有王邦傑從九品在營積勞病故奉

旨給卹銀

采訪冊

孫文科號象賢舒城人同治元年由武童投効樹字營至滬攻克城池血戰解圍保儘先叅將借補徐州鎮中營游擊嗣帶鳳字左營協勦捻逆先後轉戰出力海保花翎記名提督超勇巴圖魯名號光緒三年八月內在

任病故采訪冊

徐寬南舒城人授劾鼎軍水師營由五品藍翎游保都司換花翎轉戰江浙屢受重傷同治四年十月二十八日在浙省平湖縣柳塔營次傷發病故奉

旨照例從優議卹采訪冊

李得福舒城人同治元年投劾鼎營隨隊克復宜荆嘉常等城保藍翎把總四年航海援閩連克漳州漳浦兩城保千總六年隨勦捻逆以都司儘先補用換花翎八年十月在營病故采訪冊

靳恩銓舒城人庠生率子六品軍功學游姪六品軍功學洛奉盧副將檄帶練禦賊時溽暑積勞致疾相繼卒續修廬州府志卷四九武功傳四

又程曾甲卽選從九在營病故采訪冊

王福昌字壽堂舒城人有智慮饒膂力每戰必先由軍功游保花翎游擊同治十一年充樂字營哨官光緒五年在營積勞病故采訪冊

李崇發在親軍馬隊中營記名總兵吳維釗在銘字營儘先副將恒勇巴圖魯張成法在鼎字營花翎守備莫仁和在開字營儘先千總許林雲賈治國均在開字營儘先把總徐天雄在銘字營儘先把總均舒城人在營病故采訪冊

齊來祚字柳橋無爲人道光丁酉科拔貢壬子科舉人咸豐四年率子亮功投劾廬州營勦髮捻有功旋隨舉

人李元華營進勦無巢籌辦糧餉六年克復無爲戰績卓著敘功以知縣用給知州銜積勞成疾七年乞假旋里卒采訪冊

孫玉貴無爲人咸豐六年倡練助勦同治元年調江蘇水師敘功得藍翎把總嗣於克復常昭太倉等州縣擢守備六年隨孫善成幫辦巢湖水師升都司並換花翎十一年傷發卒於軍事聞奉

旨優卹廕一子采訪冊

侯椿援無爲人例授候選未入流工書法尺牘性厚重精幹濟粵匪亂投効潁州大營積勞成豐八年病故卹給廕監采訪冊

續修廬州府志

卷四十九

武功傳四

三

王國鈞字金門無爲人賊竄境欲投河未果棄家投効上書當路詞甚激烈撫軍韙其言委辦團練六年克復無巢等處保舉教職六品銜同治六年任潁上教諭適捻匪至率居民堵南城匝月後遷泗州學正未赴任卒采訪冊

徐步雲號銘三無爲人庠生同治年投効淮軍進勦捻逆採辦軍械往來晉豫數省勤勞卓著嗣幫辦盛軍糧臺航海轉運軍米三次敘功以從九品儘先選用並給藍翎五品銜積勞成疾卒於天津營次采訪冊

高燮無爲人附貢生同治七年率子佑卿姪郡庠生慕樾投効銘營勦捻有功九年以縣丞儘先選用積勞成

病旋里醫治未幾卒佑卿隨營勦任捻轉戰尤爲出力  
續於勦平西捻亦著卓勲敘功洊至藍翎儘先選用縣  
主簿十二年加捐通判光緒三年調陝甘勦滅北徇駐  
防五載以勞保分省補用加同知銜換戴花翎慕樾亦  
以功授州判職皆以勞致疾卒

采訪  
冊

任其祥無爲人花翎兩江補用游擊二品封典在巢縣  
水師營光緒四年病故同邑又有蘇宏烈從志字營保  
藍翎千總張邦福從九充淮軍哨書均積勞先後病故

采訪  
冊

許桂林字馨山巢縣人幼有勇力弱冠隨前湖督李瀚  
章從役楚軍適瀚章總辦糧台駐九江賊夜撲營舟師

續修廬州府志

卷四十九

武功傳四

三

潰瀚章所居餉船被焚桂林時爲護兵以兩腋挾餉銀  
各二千扶瀚章躍入小舟得無恙次日賊退餉項一空  
賴桂林所携出銀以濟軍用前江督曾國藩深壯其義  
保守備花翎旋從瀚章帶贛南防軍勤於訓練所部悉  
成精銳又從今大學士李鴻章克復江蘇歷保副將統  
帶巢湖水師先是巢湖界連四縣盜賊出沒無常行旅  
苦之鴻章添設舳板令桂林領其軍以資緝捕數年賊  
不敢犯積勞卒

采訪  
冊

湯治臣巢縣人武童投効樹字營奮勇前驅保藍翎千  
總旋隨大營克復宜荆溧陽嘉常等城及調援無錫等  
處力戰解圍又於同治八年攻勦捻匪屢立戰功彙獎

以叅將儘先卽補仍歸徐州鎮標署夏鎮守備積勞成疾早卒采訪冊

曹麗琴巢縣人諸生同治元年投筆從戎歷著勞績以教諭補用並加藍翎五品銜嗣因軍務紛紜積勞成疾歿於甯國軍次采訪冊

方有莘號耕野巢縣人監生捐銜千總銜性慷慨好施與救荒平糶諸善舉桑梓賴之及粵逆犯境倡捐起練保衛鄉里毀家紓難歷著勞績咸豐五年擊退廬州賊在事出力保加衛守備銜後辦練積勞成疾卒於營次奉

旨賜卹祀甯國府忠義祠采訪冊

續修廬州府志 卷四十九 武功傳四

三

方意先號卓卿巢縣人武舉人粵逆犯境團練防堵咸豐五年率勇擊退廬州援賊助勦有功積勞成疾卒奉旨賜卹銀崇祀忠義祠廕八品監生又有陳占榜副將攻勦嘉興等處有功積勞病故亦得卹采訪冊

李煥巢縣人軍功八品咸豐七年投蕞鎮大營報効礮位四尊捐輸工匠口糧制錢二百千文直隸州黃際昌委監造礮船著有勞績當事保以從九品儘先選用積勞成疾歿於軍采訪冊

張鈞巢縣人同治二年以難廕縣丞投効樹軍轉運糧餉髮捻肅清敘功保花翎同知銜補用知縣分發湖北到省病故采訪冊



王明月花翎兩江補用副將充樹字新軍後營幫帶朱  
聯芳武毅軍隨員儘先叅將梅從吉花翎副將銜留直  
補用叅將質勇巴圖魯蔣開文在鳳字營儘先叅將袁  
文彪花翎副將銜留直補用游擊楊樹芝在銘字營花  
翎儘先都司徐世才在銘字營藍翎都司張起陞在鳳  
字營儘先都司汪龍啟藍翎都司銜守備充中營哨官  
蔣柏林藍翎衛守備充後營幫辦翟春化衛守備充右  
營幫辦楊殿和在華字營記保藍翎千總黃維馨五品  
銜升用同知江蘇補用知縣徐燦東在銘字營擬保鹽  
大使藍翎江蘇補用巡檢俱巢縣人先後在營病故

冊